

**Makaila ni Cristo ug sa Gahom sa Iyang Pagkabanhaw**

Basahong Kasulatan: Fil. 3:10, 12-14; Juan 11:25; Buh. 2:24; 2 Cor. 1:8-9; Bug. 1:17b-18; 2:8

**I. Nagtinguha si Pablo nga makaila ni Cristo—Fil. 3:10:**

- A. Sa basahon sa Filipos, ang sentrong butang mao ang subjectibong pagkaila ug pagsinati kang Cristo—2:2, 5; 3:7-10; 4:10.
- B. Pinaagi sa pinadayag ang pagpakabaton sa labaw nga pagkamaayo sa pagkaila ni Cristo sa Filipos 3:8, apan pinaagi sa pagsinati ang pagkaila Niya sa versiculo 10.
- C. Ang labaw nga pagkamaayo sa pagkaila ni Cristo mao ang pagkamaayo kaayo ni Cristo nga naamgohan nato—v. 8.
- D. Nakadawat una si Pablo sa pinadayag ni Cristo, unya nagtinguha siya nga makasinati Niya—nga makaila ug makapahimulos ni Cristo sa kasinatian gyod.
- E. Ang pulong *makaila* sa Filipos 3:10 pareha ra sa *makasinati*:
  - 1. Ang makaila ni Cristo nagpasabot nga makasinati, makapahimulos, maka-apil, ug makaambit Niya—vv. 9-10.
  - 2. Busa ang makaila ni Cristo makasabot man Niya sa pagsinati nato Niya—v. 8.
- F. Ang pagkaila ni Cristo dili pagkahibalo lang bahin Niya kondili pagpakabaton gyod sa persona Niya mismo—v. 8; 2 Cor. 2:10; itandi sa Col. 2:9, 16-17:
  - 1. Aron mabatonan ang usa ka butang, bugtian gyod kini—Fil. 3:7-8.
  - 2. Ang pagpakabaton kang Cristo pagsinati, pagpahimulos, ug pagpanag-iya man sa tanan Niyang kadato nga dili matugkad pinaagi sa pagbugti niini—Efe. 3:8; itandi sa Bug. 3:18.
  - 3. Kinabuhi sa pagpakabaton ni Cristo sa Iyang pagkamalangkobon-sa-tanan ang Cristohanong kinabuhi—Efe. 3:8:
    - a. Bisan nasinati ug nabatonan na ni Pablo si Cristo sa hilabihan gyod, wala siya mag-isip nga hingpit na niya Siyang nasinati o nabatonan ba sa kinahingpitan gyod—Fil. 3:12.
    - b. Nag-abante pa si Pablo paingon sa tumong—ang kinahingpitang pagpakabaton kang Cristo—vv. 12-14.
  - 4. Aron makabaton ni Cristo sa kinahingpitan gyod, dili lang nga gibiyaan ni Pablo ang mga kasinatian niya sa Judaismo, dili sab siya mopabilin sa mga kasinatian niya ni Cristo kaniadto—vv. 7-8, 13:
    - a. Makaulang gyod sa pagpursigir pa nato ni Cristo ang dili pagkalimot kondili pagpabilin hinuon sa mga kasinatian nato kaniadto, bisan unsa pa kadto katinuod—v. 13; Heb. 6:1a.
    - b. Kay dili man matugkad si Cristo sa kadato, ug dunay lapad kaayong teritoryo sa Iyang kadato nga mapanag-iya pa nato, naninguha gyod si Pablo nga makaabot sa kinalay-ang dapit ning teritoryoha—Efe. 3:8; Fil. 3:13.
- G. Ang pagkaila nato ni Cristo resulta man sa makaplagan diha Niya—vv. 9-10:
  - 1. Angpagkamatarong nga “pinaagi sa pagtuo diha ni Cristo, angpagkamatarong nga gikan sa Dios ug pinasikad sa pagtuo” nakapaila ni Pablo ni Cristo—v. 9:
  - 2. Dili makapaila nato ni Cristo ang pagkamatarong nga gihagoan nato sa kaugalingon natong paningkamot; labi tang mobuhat sa kaugalingon natong pagpaningkamot, labi sab nga dili ta makaila ni Cristo—v. 9a.

**II. Nagtinguha si Pablo nga makaila ug makasinati sa gahom sa pagkabanhaw ni Cristo—v. 10:**

- A. Ang gahom sa pagkabanhaw ni Cristo mao ang Iyang kinabuhi sa pagkabanhaw, nga nagbangon Niya gikan sa mga minatay—Efe. 1:19-20.
- B. Si Cristo mismo ang pagkabanhaw—Juan 11:25:
1. “Ako ang Una ug ang Ulahi ug ang Buhi; ug namatay Ko, ug ania karon, buhi Ko hangtod sa kahangtoran; ug nia Nako ang mga yawe sa kamatayon ug sa Hades”—Bug. 1:17b-18:
    - a. Tungod sa pagkahulog, nisulod ang kamatayon ug nagbuhat karon aron mohipos sa tanan ngadto sa Hades.
    - b. Naa sa kamot sa atong Manluluwas, nga namatay ug nabanhaw, ang mga yawe sa kamatayon ug sa Hades—v. 18.
  2. “Giingon kining mga butanga sa Una ug sa Ulahi, nga namatay ug nabuhi pag-usab”—2:8:
    - a. Nagpasabot sa pagkabanhaw ang *nabuhi pag-usab*.
    - b. Namatay ang Ginoo ug nabuhi pag-usab; nisulod Siya sa kamatayon, apan dili kini makapugong Niya kay Siya man ang pagkabanhaw—Buh. 2:24; Juan 11:25.
    - c. Niadto si Cristo sa Hades, niagi sa kamatayon, nidaog sa kamatayon, ug madaogong nigula sa kamatayon; kini ang pagkabanhaw—itandi sa 1 Ped. 3:18-22.
  3. Nagpasabot ang pagkabanhaw nga dunay tawo—ang atong Ginoong Jesus—nga nakalabang sa mga kaulangan, bisan sa kinadak-ang kaulangan—sa kamatayon—Buh. 2:24; Efe. 1:19-20:
    - a. Giguba sa pagkabanhaw sa Ginoo ang tanang kaulangan sa natural nga ginsakpan; tungod niana, wala na magapos si Jesus sa bisan unsa, lakip sa dapit ug panahon—itandi sa Juan 7:6-8.
    - b. Ang kinadak-ang mga limitasyon nato mao ang dapit ug panahon, apan dili makalimiti sa nabanhawng Cristo kining duha ka butang.
    - c. Ang kamatayon maoy kinadak-ang limitasyon, apan gidaog na sa pagkabanhaw ang kamatayon; busa, ang pagkabanhaw maoy kinadak-ang gahom sa tanan—Fil. 3:10; Efe. 1:19-20.
- C. Ang pagkabanhaw mao ang kinabuhing nidaog sa kamatayon nga wala madaot o maapektohi ba sa kamatayon—Juan 11:25; Bug. 1:17b-18; 2:8:
1. Wala gyoy mahimo ang kamatayon sa kinabuhi sa pagkabanhaw—Buh. 2:24.
  2. Makahimo ang kamatayon og tanang matang nga kadaot sa ubang matang nga kinabuhi; usa ra ka kinabuhi ang dili madaot sa kamatayon, ug kini ang kinabuhi sa pagkabanhaw—Juan 11:25; Fil. 3:10:
    - a. Ang pagkabanhaw mao ang kinabuhing niagi sa kamatayon ug dili mahawiran niini.
    - b. Segun sa hingpit nga pinadayag sa Kasulatan, ang Dios mismo mao ang kinabuhi sa pagkabanhaw—Rom. 4:17.
- D. Ang Espiritu mao ang realidad sa pagkabanhaw ni Cristo ug sa gahom niini—8:9-11; 1 Cor. 15:45b; 1 Juan 5:6:
1. Aron makasinati sa kinabuhi sa pagkabanhaw ni Cristo, kinahanglan makita nato nga sa pagkabanhaw ni Cristo nahimo Siyang Espiritu nga taghatag-og-kinabuhi—1 Cor. 15:45b.
  2. Ang kinalabwang pagbatbat sa pagkabanhaw mao nga kini ang kahikayang giagian ni Cristo aron mahimo Siyang Espiritu nga taghatag-og-kinabuhi.
  3. Ang pagkabanhaw ni Cristo mao ang pagkausab sa Iyang dagway nga ma-Espiritung taghatag-og-kinabuhi aron makasulod Siya sa Iyang mga magtutuo—v. 45b; Juan 20:22.

- E. Ang prinsipyo sa pagkabanhaw mao nga gipatay ang natural nga kinabuhi ug nibangon ang diosnong kinabuhi puli niini—2 Cor. 1:8-9:
1. Ang niagi sa kamatayon ug nagpabilin gihapon mao ang pagkabanhaw—Bug. 2:8.
  2. Ang pagkabanhaw mao kanang nigula gikan sa kamatayon ug wala na sa natural nga ginsakpan—Buh. 2:24.
  3. Nagpasabot ang pagkabanhaw nga walay hitabo o sirkumstansya nga makalupig nato nga naay kinabuhi sa pagkabanhaw ni Cristo—2 Cor. 1:8-9.
  4. Ang maanaa sa pagkabanhaw nagpasabot nga gilansang sa krus ang atong natural nga kinabuhi ug giisa diha sa pagkabanhaw ang linalang-sa-Dios nga bahin sa atong pagkatawo aron mausa ni Cristo sa pagkabanhaw—Rom. 6:4-6.
  5. Dili ngani ta magkinabuhi sa atong natural nga kinabuhi kondili magkinabuhi hinuon sa diosnong kinabuhi nga naa sa sulod nato, naa ta sa pagkabanhaw—Juan 6:57; Rom. 8:11.